

Uunga siunnersuut: Naalakkersuisut peqquneqarnissaannik Inatsisartut aalajangiiffi-gisassaattut siunnersuut Naalakkersuisut kingusinnerpaamik UPA12-imi peqquneqassasut siunnersuusioqqullugit, taamaasilluni illup tunineqarnerani ilu-anaarummit akitsuummik akiliisarnissaq eqqunneqaqqullugu taarsigassarseriaaseq 20/20/60 atorlugu illut sanaat tunineqarneranni nalingata affaa aallaavigalugu, illup napparnerani pisortat taarsigassarsisitsisartullu namminersortut taarsigassarsis-utaat sinnerlugit iluanaaruteqartoqarsimappat.
(Inatsisartunut ilaasortaq Justus Hansen, Demokraatit)

Akissuteqaat

(Aningaasaqarnermut Naalakkersuisoq)

Siullermeerneqarnera

Illut pisortanit taarsigassarsinikkut sananeqarsimasut tunineranni iluanaarummit akitsuummik 50 procentiusumik atuutilersitsinissaq pillugu inatsisissatut siunnersuummik Naalakkersuisut saqqummiussinissamik peqquneqarnissaat pillugu Inatsisartunut ilaasortaq Justus Hansen saqqummiussaqrpoq – tassuunakkut illuliat pisortanit tapiiffigineqarluni sananeqarsimasut iluanaarniutigineqarsinnaanerata unitsinniarlugu.

Atugarissaarnermut uuttuummik pingaaruteqartumik oqaluuserisaqarnissamut periarfissaqalernertik Naalakkersuisut nuannaarutigaaq, aammalu ineqarnermut tunngasut maannakkullu pissusissamisuumngitsut sammineqarnerulernissaat pingaartuutillugu.

Kingumut qiviraanni illuliortiterneq annertusarniarlugu sakkussatut pisariaqartuusimavoq pi-sortat tapiissuteqartarnissaat illuliornissamullu akikitsunik taarsigassarsisitsisarnissaat. Taa-maammata pisortat ukiorpanni taarsigassarsisitsisarsimapput nalinginnaasumik niuernerup ilu-ani taarsigassarsinermi atugassarititaasunit pitsaanerujussuarnik atugassaqrfiusunik.

Aaqqissuussineq taanna illumik inissiamilluunniit najugassaminnik pisisunut iluaqutaanersoq apeqqutaalerpoq. Nalinginnaavoq pigisap aalaakkaasup akiata pisisup qaammammut aningaas-artuutaasa naatsorsornerisigut amerlasuutigut aalajangerneqartarnera. Pisisussap aningaas-artuutai ilisimagaanni tunisinermi akiusoq naatsorsorneqarsinnaavoq. Taarsigassarsinermi atugassarititaasut pitsaasuunerisa taamaalillutik kingunerisarpaat illuutit tunineqarneranni aki-isa qaffasinnerusarneri. Allatut oqaatigalugu, illuliortitsisoq akimik pitsaanerumsumik pissarsis-arpoq pisisup qaammammut aningaasartuutai allanngunngitsut. Periuseq taanna tunisinerni ta-mani atorneqartannikkaluarluni ima atugaatigivoq, allaat taarsigassarsisitsisarnerup aaqqis-suussaanerata ilumut eqqortuunera qularineqarsinnaalluni.

Pisortanit taarsigassarsinikkut illuliortiternermut akikitsumik aningaasalersuinerup kinguneri-vaa illuliortitsisup, pigisanut allanut aningaasaliinermut sanilliullugu tassuunakkut annertu-nerujussuarmik iluanaaruteqarsinnaanera – tamannalu pissusissamisuumngilaq, ingerlatanum-mi allanut sanilliullugu equngalersitsinermik kinguneqarami.

Illumik tunisinermi iluanaarummit akitsuut aningaasaliinissat atuinissallu pillugit aalajanger-nernik equngasunik ikilisitseqataaginnartussaannngilaq, aammali akitsuut illuliortitsisut ilu-anaarutiginerusaannik millisitsissaaq.

Illumik tunisinermi ilunaarummit akitsuutipaaqqissuulluarneqarnissaata, matumani ilunaarutip qanoq naatsorsorneqarnissaa ilanngullugu, eqqarsaatigilluagaanissaa pisariaqarpoq, tassa-mi aningaasaliinerni assigiinngitsutigut pissusissamisuumngitsunik sunniutissaassinnaasut ilisimanissaat pingaaruteqarmat. Periusissatut siunnersuutigineqartumut tunngatillugu assersuutigalugu pingaaruteqarpoq nammineerluni aningasaliissutit marloriaammik akileraarusersornissaat pissusissamisoornersooq oqallisigissallugu.

Illumik tunisinermi ilunaarummit akitsuutip pitsaanngequtigaa toqqaannartumik akitsuutaa-nini, tassa ilunaaruteqarneq peqatigalugu akiligassanngortussaagami, tamannalu illuliortit-sisut illunik tunisinissamik kinguartitsinerannik kinguneqarsinnaavoq.

Tunisinissamik kinguartitsinerup kingunerisinnaavaa illuliortitsisut ingerlatanut allanut ani-ngaasaliinissaminnik kinguartitsinerat – Taamaaliorneq inuiaqatigiit ataatsimut isigalugit pitsaanngitsunik kinguneqarsinnaavoq, illuliortitsisummi tassuunakkut toqqarsinnaammassuk akitsuummik akiliinissaq pinngitsoorniarlugu tunisinissamik utaqqissussinissaq, naak illulior-titsisup kinguartitsinninnissaa inuiaqatigiinnut pitsaanerpaajussagaluartoq.

Naalakkersuisut naggasiullugu oqaatigissavaat atugarissaarneq pitsaanerpaaq angujumallugu ineqarnermut tunngasutigut ajornartorsiutit suugaluiilluunniit peqqissaartumik qulaajarneqar-nissaat pingaartuusoq.

Naalakkersuisut, Akileraartarneq Atugarissaarnerlu pillugit Isumalioqatigiissitap nalunaarusi-aanut atatillugu ineqarnermut politikkip angusaqarfiulluartumik oqaluserineqarnissaa qilanaaraat. Naalakkersuisut siunnersuut ilalernartuutippaat ilutigaluguli oqaatigissallugu siunnersuut ineqarnermut tunngatillugu siunnersuutigineqarsimasunut allanut ilanngullugu suliatineqartariaqarmat. Taamaattumik Naalakkersuisut isumaqarput aalajangiiffigisassatut siunnersuut saqqummiunneqartoq Akileraartarneq Atugarissaarnerlu pillugit Isumalioqatigiis-sitap isumaliutissiissutaa pillugu oqallinnissami ilanngutissallugu oqallisigineqarnissaa pissu-sissamisuuassasoq.

Naalakkersuisut taama oqaaseqarlutik siunnersuutip akuersaarneqarnissaa inassutigaat.